



SWD TWEEKAMP•BIATHLON



JAARVERSLAG

2015 - 2016



The Better Together Sponsor

SWD TWEEKAMP: VOORSITTERSVERSLAG

Graag lê ek my 26^{ste} voorsittersverslag voor. 2015/16 was 'n goeie seisoen en die uitdagings wat op ons pad gekom het, is met die hulp van 'n puik Bestuur hanteer en oopgelos. Daar was egter heelwat veranderinge op nasionalevlak wat wel die sportsoort raak – ook in die SWD. Daaroor meer later. Maar sport in die algemeen in Suid-Afrika staan voor 'n kruispad metveral finansiële en logistieke uitdagings stel hoë eise. Die kwessie rondom Transformasie het in felheid toegeneem en die Minister van Sport, Fikile Mabala en sy span beweeg ook nou na die kleiner sportsoorte toe. Dit gaan en dit gaan ook kwaai uitdagings aan SWD Tweekamp. Vrywillige administreurs raak ook alhoe skaarser!

Die 2016 Klopper SA Tweekampkampioenskappe in Bloemfontein het het sy eie besondere uitdagings gehad maar was weer eens 'n ondervinding vir ons atlete. Die hoogte bo seespieël het dit ook nie makliker gemaak nie. 'n Totaal nuwe SA Bestuur is op Bloemfontein verkies met die uittrede van Archie Markgraaff as President van SA Tweekamp. Blackie Swart is die nuwe President. Dave van der Walt het ook bedank as Vise-President en is opgevolg deur Len Symington van Boland. Van die belangrike besluite wat geneem is, was:

- Puntestelsel sal ondersoek an aangepas word;
- Skoleliga sal ondersoek word;

Op die plaaslikevlak Is HIGHGATE weer terug as ankerborg en kyk hulle klaar terug op 'n suksesvole jaar. Saam met Johan Keller van Highgate, word reeds groot dinge beplan vir die volgende seisoen. Ook die Groot Oudtshoorn Munisipaliteit en die Weskaapse Departement van Kultuursake en Sport is weer deel van die beplanning vir die 2016/17 seisoen.

41^{ste} SA KAMPIOENSKAPPE 2016 – BLOEMFONTEIN [Steven McKay]



Die HIGHGATE SWD Tweekampspan is terug vanaf die 41^{ste} SA TEEKAMP Kampioenskappe die afgelope naweek in Bloemfontein. Meer as 660 van die Suid-Afrika se top tweekampatlete van 14 provinsies het daar meegeding om die kroon as die beste atleet in hulle ouderdomsgroepe. Die WP het hulle nasionale spantitel met welslae verdedig met die gasheerprovinse, Suid-Vrystaat in die tweede plek en Gauteng-Noord derde. SWD het in die 6^{de} plek geëindig – die beste van die kleiner provinsies! SWD se seniors het vir 'n groot verassing gesorg deur vierde te eindig.

SWD se groot ster was ongetwyfeld Johan Windt [Mans Meesters]. Hierdie boorling van Mosselbaai het tensypte van 'n dyspierbesering 'n nuwe SA Rekord van 2433 punte opgestel. Dit was veral sy swem [34,77] wat hom gehelp het – hy het sy beste tyd verbeter met 4 sekondes! Johan is ook aangewys as die Senior Victor Ludorum van die SA Kampioenskappe!

Ook Chris van Wyk [Senior Veterane – 2304 punte] het 'n silwer medalje huis toe gebring en Gustav Schlechter die brons medalje [S/17] met 'n punt van 2346. Ander puik prestasies was gelewer deur:

SWD het ook 5 atlete met gestremdhede ingeskryf en hulle het puik gedoen. Jannie Lourens was die beste mans-atleet en Michelle Lombard die beste dames-atleet.

ONTWIKKELING

Die klem verskuif vir die volgende drie jaar na gestremdes en die Carpe Diemprojek het alreeds 'n aanvang in George geneem en het baie goed afgeskop. Alhoewel DCAS-fondse nie bekom kon word nie, het SWD Tweekamp uit eie findse die projek aangepak. Groot dank aan Chris van Wyk, Sybel Hughes en Marali Olien vir hulle onbaatsugtige diens.



'n Goeie ontwikkelingskliniek is wel aan in **Knysna** aangebied waarby atlete uit die Bitou distrik deelgeneem het. Die organiseerder was Marius-Hugo Schlechter en hy is bygestaan deur Chris van Wyk met die swem. Die beplanning is dat dit vanjaar weer opgevolg gaan word.

KAPASITEITSONTWIKKELING

Die afgelope 2 jaar was Kapasiteitsbou deel van SWD Tweekamp se visie. Die kwynende vrywillersbasis vir veral beampes by byeenkomste, het 'n algemene tendens geword – nie net by tweekamp nie, maar byna alle sportsoorte word daardeur geraak. SWD Tweekamp moes toe ook kreatief begin dink en daar is besluit om veral op hoërskoolleerders te konsentreer om die vakuum te probeer vul! Vanjaar het SWD Tweekamp, met die ondersteuning van die Weskaapse Departement van Kultuursake en Sport [DKES], die visie verder verbreed en is gestremde persone ook by die Kapasiteitsbou-werkswinkel ingesluit. Op Dinsdagaand 2 Augustus 2016 het SWD Tweekamp 'n kapasiteitsbou werkswinkel gehou om veral beampteskap onder leerders van skole en gestremde persone te laat posvat en sodoende die tekort aan beampes te probeer teenwerk. Nie minder nie as 38 persone die werkswinkel bygewoon wat by die EDEN Sportakademie op Oudtshoorn aangebied is. Abri

de Swardt, bekende in die atletiekkringe, Sureta Badenhorst van EDEN Aquatics, en Dave van der Walt van SWD Tweekamp was die aanbieders.



"DOUBLES"-BYEENKOMS [19 Jan 2016]

Die konsep is dat 'n erkende tweekampatleet 'n ander atleet wat nog nie aan tweekamp deelgeneem het nie, saambring en elkeen doen een been [of swem of hardloop] Vanjaar het nie minder nie as 30 spanne het vanjaar deelgeneem en die wenners was Danielle Gerber en Johan Windt met Bianca le Grange en Francois Maquasa in die tweede plek.



TWEEKAMP VIR GESTREMDES

Sd deel van die toekomsvisie van SWD Tweekamp, maak gestremde atlete nou ook deel daarvan uit. Die getalle neem toe en die Carpe Diemprjek maak ook deel daarvan uit. Ook die Eljada-atlete van Oudtshoorn neem geesdriftig deel – daar is egter problem vanuit die hoof se kantoor. Dit word nou op Beheerraad-vlak opgeneem. SWD het ook 5 atlete met gestremdhede ingeskryf en hulle het puik gedoen. Jannie Lourens was die beste mans-atleet en Michelle Lombard die beste dames-atleet.



INTERPROVINSIALE BYEENKOMSTE

SWD het die afgelope jaar aan twee interprovinsiale byeenkomste deelgeneem – OP Interprovinsiaal [PE, Okt 2015] en HIGHGATE Interprovinsiaal [Oudtshoorn, 6 Febr 2016]. Die HIGHGATE byeenkoms is deur SWD aangebied met Boland as vennoot.

OP INTERPROVINSIAAL – PORT ELIZABETH [31 Okt 2015]

Die HIGHGATE SWD Tweekampspan het op Saterdag 31 Okt 2016 saam met WP, Grens, OP en Vrystaat, aan die 20^{ste} OP Interprovinsiale byeenkoms in Port Elizabeth deelgeneem. Die winderige toestande het die atlete nie juis afgeskrik nie en puik vertonings is alreeds vroeg in die seisoen gelewer. Die HIGHGATE SWD-span bring egter 12 medaljes terug en eindig tweede na OP in die spanskompeticie. Johan Windt word ook aangewys as die Senior Victor Ludorem van die byeenkoms.

Ander uitstekende prestasies is ook gelewer deur Marius-Hugo Schlechter [4], Ludick Muller [4], George Marais [4] en Gustav Schlechter [5].



HIGHGATE/DCAS/GROTER OUDTSOORN INTERPROVINSIALE TEEKAMP [6 Feb 2016]

Die 25^e HIGHGATE/DCAS/Groter Oudtshoorn Munisipaliteit Interprovinsiale Tweekampbyeenkoms op Oudtshoorn, Saterdag 6 Februarie 2016, het weer vir prestasies uit die boonste rakke gesorg! Bo en behalwe die twee SA rekords, is tweekamp van hoogstaande gehalte deur die 7 provinsies [WP, BOL, SWD, OP, Vrystaat, Grens & Griekwas] se meer as 420 atlete gelewer – en dit in die kenmerkende 43° hitte wat Oudtshoorn sy besoekers welkom geheet het! Die **spanskompeticie** is vanjaar gewen deur BOLAND met 107179 punte, gevvolg deur WP met 101465 en SWD met 82144 punte in die derde plek. OP [66149] was vierde.

Toni Rafferty [D/15] van OP het 'n nuwe **SA rekord** van 2473 daargestel en Johan Windt [Meesters Mans] van SWD die Meesters Mans rekord na 2425 – een punt beter! Albei is ook 'n nuwe **byeenkomsrekords**. Gustav Schlechter [S/15 - SWD] het ook 'n nuwe byeenkomsrekord van 2289 opgestel. Ook Jenna Biddulph [D/11 - OP] se 2248 is 'n nuwe byeenkomsrekord. Toni Rafferty is dan ook aangewys as die Junior Victrix Ludorem van die byeenkoms. Die Junior Victor Ludorem was Ruard van Renen [S/13] van WP, die Senior Victrix Ludorem Liezel Wessels [Dames Veterane] van Boland en die SWD se Johan Windt [Mans Meesters] die Senior Victor Ludorem.

In die wedloop vir Gestremde atlete word daar nie 'n wenner aangewys nie maar elkeen wat klaarmaak [400m hardloop & 50m swem] het elkeen 'n medalje ontvang!



FINANSIES

Die finansies van SWD Tweekamp is gesond soos aangedui deur die geouditeerde state wat deur Alice le Roux Ingelyf gedoen is. Groot dank aan die Bestuur wat ten spyte van die hoë finansiële druk net die beste vir die SWD-atlete doen en die kostes so laag moontlik hou. Dank moet ook gaan aan die Wes-Kaapse Departement van Kultuursake & Sport, die HIGHGATE en Groter Oudtshoorn Munisipaliteit wat deur hulle finansiële ondersteuning dit moontlik maak.

NUWE UITDAGINGS

- Skoleliga
- O/8 ouderdomsgroep
- Nuut-aangepaste puntetabelle

BEDANKINGS

Graag wil ek van hierdie geleentheid gerbuik maak om net die volgende persone en instansies te bedank:

- Alle ouers, onderwysers, afrigters, borge en belangstellendes wat dit vir SWDTV moontlik maak om te vorder;
- Aan die SWD Bestuur vir die flinke wyse waarop hulle tweekamp in die SWD bedryf en die tyd wat hulle opoffer asook die ondersteuning wat hulle my as voorsitter gebied het;
- Aan al SWD se borge en vriende;
- Mnr George Botha van KLEIN KAROO, vir die borgskap van die waentjie;
- SASKO vir hulle borgskap van sambrele & kazebo's tydens die HIGHGATE-byeenkoms;
- Die Departement van Kultuursake en Sport van die Weskaap, en in die besonder die plaaslike SWD-kantoor [Jean Neethling & Dirk van der Westhuizen] vir hulle onbaatsugtige ondersteuning en fisiese bystand;
- Aan ons plaaslike media vir hulle volgehoue ondersteuning;
- Aan alle skole en klubs wat hulle beywer vir die ontwikkeling van ons sportsoort;
- Aan al ons atlete wat so getrou die ligabyeenkomste bywoon;
- Aan die munisipaliteit van Oudtshoorn en ander instansies vir die beskikbaarstelling van hulle fasiliteite en geriewe;
- Aan my vrou en gesin wat maar altyd bereid is om aan die agterste speen te suig;
- Aan ons dierbare Vader wat ons die krag en genade gee om hierdie taak te verrig.

Ek dank u.

A handwritten signature in black ink, appearing to read "D. van der Walt".

Dave van der Walt
Voorsitter